

<County: Yorkshire East Riding>

<Code: L1126>

<MS reference: Beverley, Humberside County Record Office, DDHE 20, fol. 271r>

<Text: Letter>

Wyrchipfull Syr~ J recomend me vn-to yow . wyth all my hert dezyryng youur welle-far~ . qwhylyk
 all-mygthy god increse to youur <ill></ill>
 hese & wyrchyp ; Lattyng yow wytt y^t J sent my wyffe vn-to hedon~ to speke w^t yow . apon~
 tiseday last past . yhe being in
 hull . neuer~--ye-less scho spak w^t youur wyffe . and scho gaf hyr gude comforth . for y^e qwhylyk & j
 be-seke yow of gude maistyr
 schyp and of gud supportacion~ . as my grette *trist* in yow . as itt is done me to ondyrstande yar~ is a
 man~ new comen~ to hedon
 to dwell a Tynkler~ ye qwhylyk haw me a *certayn*~ mone . for dyuers thinges . on~ . ^[he] dwelt in a
 hwse of myne a yhere yer<?>
 he haw me for ferme iiij s~ Allso for j pare schone<schoue?> cloutyng iij d Allso for j pare to hys
 wyffe iij d Allso for hys mete
 and drynk to hym~--self and *hes* wyfe & *hes* chylde viij d Allso hys wyffe had on~ me as mykyll
 garne~ as come to vj d besyde
 many odyr~ thynges y^t J wyll spek no worde of . þ^e Sume of yis a-fore<?> v s~ ix d be-sekyng yow
 wyrchipfull Syr~ to be my gud
 maister and supportor~ yat J may hafe yis rasyd and demen<ill></ill> ye mater~ <ill><1
 word></ill> ye costage as yhe think best & J sall mak<?> <ill><1 word></ill>
 gude . No mor J kan~ bot god kepe yow . in gude helle & <ill><1 word></ill> wretyn~ att hornce
 on~ saturday last past
 <lat><in a different hand, partly written over the signature of the main hand></lat>
 <lat><in a different hand, partly written over the signature of the main hand></lat> By youur
 seruant
 Barnard of hornce